



魏詩紀卷之八

北海馮惟訥編

稽康

字叔夜譙郡銍人好言老莊而尚奇任俠寓居山陽貧鍛以自給與魏宗室婚拜中散大夫山濤為

吏部舉康自代康荅書言不堪流俗非薄湯武大將軍司馬昭聞之而怒景元三年以鍾會請之殺。詩品云頗似魏文過為峻切訐直露才傷淵雅之致然託諭清遠良有鑒裁亦未失高流矣

秋胡行七首

本集題曰重作四言詩

富貴尊榮憂患諒獨多富貴尊榮憂患諒獨多古人所懼
豐屋蔀家人害其上獸惡網羅惟有貧賤可以無他歌以
言之富貴憂患多

二

貧賤易居貴盛難為工貧賤易居貴盛難為工耻佞直言
與禍相逢變故萬端俾吉作凶思牽黃犬其計莫從樂府作其

莫之從歌以言之貴盛難為工

三

勞謙寡悔忠信可久安勞謙寡悔忠信可久安天道害一作

惡盈好勝者殘疆梁致災多事一無招禍患欲得安樂獨

有無愆集作歌以言之忠信可久安一

四

役神者弊極欲疾枯役神者弊極欲疾枯顏回短折不及

童烏縱體淫恣莫不早祖酒色何物今自不辜歌以言之

酒色令人枯

五

絕智棄學遊心於玄默絕智棄學遊心於玄默遇過而悔

當不自得垂釣一壑所樂一園被髮行歌和者四塞歌以

言之遊心於玄默

六

思與王喬乘雲遊八極思與王喬乘雲遊八極凌厲五岳

忽行萬億授我神藥自生羽翼呼吸太和鍊形易色歌以
言之思行遊八極

七

徘徊鍾山息駕於層城徘徊鍾山息駕於層城上蔭華蓋
下采若英受道王母遂升紫庭逍遙天衢千載長生歌以
言之徘徊於層城

幽憤詩

晉書曰東平呂安服康高致康友而善之後安
為兄所枉訴以事繫獄辭相證引遂復收康康
乃作幽憤詩曰

嗟余薄祜少遭不造哀哀靡識越在緜緜母兄鞠育有慈
無威恃愛肆姐子豫不訓不師爰及冠帶憑寵自放抗心
希古任其所尚託好老莊賤物貴身志在守樸養素全真
曰余不敏好善闇人子王之敗屢增惟塵大人含弘藏垢
懷耻民之多僻政不由己惟此褊心顯明臧否感悟思愆
怛若創痛丁軌欲寡其過謗議沸騰性不傷物頻致怨憎
昔慙柳惠今愧孫登內負宿心外惡良朋仰慕嚴鄭樂道
間居與世無營神氣晏如咨予不淑嬰累多虞匪降自天
寔由頑踈理弊患結卒致囹圄對荅鄙訊繫此幽阻實耻

訟冤

善作免

時不我與雖曰義直神辱志沮澡身滄浪豈云

能補嗷嗷鳴鴈奮翼北遊順時而動得意忘憂嗟我憤嘆

曾莫能儔事與願違溝茲淹留窮達有命亦又何求古人

有言善莫近名奉時恭默咎悔不生萬石周慎安親保榮

世務紛紜祇覺予情安樂必誠乃終利貞煌煌靈芝一年

三秀予獨何為有志不就懲難思復心焉內疚庶勗將來

無馨無臭采薇山阿散髮巖岫永嘯長吟願性養壽

贈秀才入軍十九首

集云兄秀才公穆入軍贈詩

鴛鴦于飛肅肅其羽朝遊高原夕宿蘭渚邕邕和鳴顧巧

信俛仰慷慨優游容與

二

鴛鴦于飛嘯侶命儔朝遊高原夕宿中洲交頸振翼容與

清流咀嚼蘭蕙俛仰優游

三

冰彼長川言息其澌陟彼高岡言刈其楚嗟我征邁獨行

踽踽仰彼凱風涕泣如雨

四

冰彼長川言息其澌陟彼高岡言刈其杞嗟我獨征靡瞻

靡恃仰彼凱風載坐載起

五

穆穆惠風扇彼輕塵奕奕素波轉此遊鱗伊我之勞有懷
佳人寤言永思寔鍾所親

六

所親安在舍我遠邁棄此蓀芷襲彼蕭艾雖曰幽深豈無
顛沛言念君子不殺有害

七

人生壽促天地長久百年之期孰云其壽思欲登仙以濟
不朽攬轡踟躕仰顧我友

八

我友焉之隔茲山岡誰謂河廣一苇可航徒恨永離逝彼
路長瞻仰弗及徙倚彷徨

九

良馬既閒麗服有暉左攬繁弱右接志歸風馳電逝躡景
追飛凌厲中原顧眄生姿

十

携我好仇載我輕車南凌長阜北厲清渠仰落驚鴻俯引

淵魚盤于游田其樂只且

十一

凌高遠眇俯仰咨嗟然彼幽繫邈爾路遐雖有好音誰與
清歌雖有姝顏誰與發華仰訊高雲俯託輕波乘流遠遁
抱恨山阿

十二

輕車迅邁息彼長林春木載榮布葉垂陰習習谷風吹我
素琴交交黃鳥顧儔弄音感悟集作寤馳情思我所欽心之
憂矣永嘯長吟

十三

浩浩洪流帶我邦畿萋萋綠林奮榮揚暉魚龍淺澗山鳥
羣飛駕言出遊日夕忘歸思我良朋如渴如饑願言不獲
愴矣其悲

十四

息徒蘭圃秣馬華山流磻平臯垂綸長川日送歸鴻手揮
五絃俯仰自得游心太玄嘉彼釣叟得魚忘筌郢人逝矣
誰與盡言

十五

閑夜肅清朗月照軒微風動桂組帳高褰旨酒盈樽莫與
交歡鳴琴在御誰與鼓彈仰慕同趣其馨若蘭佳人不可
能不永歎

十六

乘風高遊遠登靈丘託好松喬携手俱游朝發太華夕宿
神州彈琴詠詩聊以忘憂

十七

琴詩自樂遠遊可珍含道獨往棄智遺身寂乎無累何求
於人長寄靈岳怡志養神

十八

流俗難悟逐物不還至人遠鑒歸之自然萬物爲一四海
同宅與彼共之予何所惜生若浮寄暫見忽終世故紛紜
棄之八成澤雉雖饑不顧園林安能服御勞形苦心身貴
名賤榮辱何在貴得肆志縱心無悔

十九

雙鸞匿景曜戢翼太山崖抗首漱朝露晞陽振羽儀長鳴
戲雲中時下息蘭池自謂絕塵埃終始未不虧何意世多
艱虞人來我疑雲網塞四區高羅正參差奮迅勢不便六

翮無所施隱姿就長纓卒爲時所羈單雄翻孤逝哀吟傷
生離徘徊戀儔侶慷慨高山陂烏盡良弓藏謀極身心危
吉凶雖在已世路多嶮巇安得反初服抱玉寶六奇逍遙
遊太清携手長相隨

酒會詩七首

淡淡流水淪胥而逝汎汎栢舟載浮載滯微嘯清風鼓楫
容裔放權投竿優游卒歲

二

婉彼鴛鴦戢翼而遊俯啜綠藻託身洪流朝翔素瀨夕棲

靈洲搖蕩清波與之沉浮

三

流詠蘭池和聲激朗操縵清商遊心大象傾昧修身惠音
遺響鍾期不存我志誰賞

四

歛絃散思遊釣九淵重流千仞或餌者懸猗與莊老棲遲
永年寔惟龍化蕩志浩然

五

肅肅苓風分生江湄却背華林俯泝丹坻一作含陽吐英

履霜不哀嗟我殊觀百卉具腓心之憂矣孰識玄機

六

猗猗蘭藹殖彼中原綠葉幽茂麗葢濃繁馥馥蕙芳順風
而宣將御椒房吐薰龍軒瞻彼秋草悵矣惟騫

七

樂哉苑中遊周覽無窮已百卉吐芳華崇基邈高峙林木
紛交錯玄池戲魴鯉輕丸斃翔禽織綸出鱸鮓坐中發美
讚異氣同音軌臨川獻清醕微歌發皓齒素琴揮雅操清
聲隨風起斯會豈不樂恨無東野子酒中念幽人守故彌

終始但當體七絃寄心在知己

雜詩

微風清扇雲氣四除皎皎亮月麗于高隅與命公子携手
同車龍驥翼翼揚鑣踟躕肅肅宵征造我友廬光燈吐輝
華幔長舒鸞觴酌醴神鼎烹魚絃超子野歎過綿駒流詠
太素俯讚玄虛孰克英賢與爾剖符

答二郭三首

天下悠悠者下京趨上京二郭懷不羣超然來北征樂道
託萊廬雅志無所營良時邁其願遂結歡愛情君子義是

親恩好篤平生寡志自生災屢使衆累成豫子一作匿梁

側聶政變其形顧此懷怛惕慮在苟自寧今當寄他域嚴

駕不得停本圖終宴婉今更不克并二子贈嘉詩馥如幽

蘭馨戀土思所親不知氣憤盈

二

昔蒙父兄祚少得離負荷因疏遂成懶寢跡北山阿但願

養性命終已靡有他良辰不我期當年值紛華坎壈趣世

務常恐嬰網羅羲農邈已遠拊膺獨咨嗟朔戒貴尚容漁

父好揚波雖逸亦已難非余心所嘉豈若翔區外滄瓊漱

朝霞遺物棄鄙累逍遙遊太和結友集靈岳彈琴登清歌

有能從此考古人豈足多

南土百十三

詳觀凌世務屯險多憂虞施報更相市大道匿不舒夷路

值枳棘安步將焉如權智相傾奪名位不可居鸞鳳避爵

羅遠託崑崙墟莊周悼靈龜越穆一作嗟王與至人存諸

已隱璞樂玄虛功名何足殉乃欲列簡書所好亮若茲楊

氏歎交衢去去從所志致謝道不俱

與阮德如

含哀還舊廬感切傷心肝良時邁數千談慰莫如蘭疇昔
恨不早既面伴舊歡不悟卒未離念隔增憂嘆事故無不
有別易會良難野人忽已逝匠石寢不言澤雉窮野草靈
龜樂泥蟠榮名穢人身高位多災患未若捐外累拾遺肆
作慮長
志養浩然顏氏希有虞隰子慕菁軒涓彭獨何人唯志在
所安漸漬殉近欲一往不可攀生生在豫積忽以怵自寬
南土早不涼衿計宣早完君其愛德素行路慎風寒自力
致所懷臨文情辛酸

遊仙詩

遙望山上松隆谷鬱青葱自遇一何高獨立迥無雙願想
遊其下蹊路絕不通王喬棄我去乘雲駕六龍飄飄戲玄
圃黃老路相逢授我自然道曠若發童蒙採藥鍾山隅服
食改姿容蟬蛻棄穢累結友家板桐臨觴奏九韶雅歌何
邕邕長與俗人別誰能覩其踪

述志詩二首

潛龍育神軀濯鱗戲蘭池延頸慕大庭寢足俟皇羲慶雲
未垂景盤桓朝陽陂悠悠非吾匹疇肯應俗宜殊類難徧
周鄙議紛流離輶軻丁悔各雅志不得施耕耨感甯越馬

席激張儀逝將離羣侶杖策追洪崖焦鵬振六翮羅者安
所羈浮遊太清中更求新相知比翼翔雲漢飲露餐瓊枝
多念世間人夙駕咸驅馳冲靜得自然榮華安足爲

二志詩二首

斥鷃擅蒿林仰笑神鳳飛

一作

坎井蝓蛭宅神龜安所歸

恨自用身拙任意多永思遠實與世殊義譽非所希往事
既已謬來者猶可追何爲八事閒自令心不夷慷慨思古
人夢想見容輝願與知己遇舒憤啓其微巖穴多隱逸輕
舉求吾師晨登箕拾遺山顛日夕不知饑玄居養營

軍長自綏

六言十首

惟上古堯舜

二人功德齊均不以天下私親高尚簡樸茲順寧濟四海
蒸民

唐虞世道治

萬國穆親無事賢愚各自得志晏然逸豫內忘佳哉爾時
可喜

知慧用

為法滋章寇生紛然相召不停大人玄寂無聲鎮之以靜
自正

名與身孰親

哀哉世俗徇榮馳騫竭力喪精得失相紛憂驚自是勤苦
不寧

生生厚昭咎

金玉滿堂莫守古人安比麓醜獨以道德為友故能延期
不朽

名行顯患滋

位高勢重禍基美色伐性不疑厚味腊毒難治如何貪人
不思

東方朔至清

外以貪汙內貞穢身滑稽穩名不為世界所撓所欲不足
無營

楚子又善仕

三為令尹不喜柳下降身蒙耻不以爵祿為己靜恭古惟
二子

老萊妻賢名

不願夫子相荆相將避祿隱畊樂道間居採萍終厲高節
不傾

三爲今古嘆古賢原憲

棄昔膏梁未顏樂此屢空饑寒形陋體逸心寬得志一世
無患

思親詩

奈何愁兮愁無聊恒惻惻兮心若抽愁奈何兮愁思多情
鬱結兮不可化奄失恃兮孤孑孑內自悼兮啼失聲思報
德兮親已絕感鞠育兮情剝裂嗟母兄兮永潛藏想形容

兮內摧傷感陽春兮思慈親欲一見兮路無因望南山兮
發哀歎感機杖兮涕九瀾念壽昔兮母兄在心逸豫兮壽
四海忽已逝兮不可追心窮約兮但有悲上空堂兮廓無
依覩遺物兮心崩摧中夜悲兮當告誰獨收淚兮抱哀戚
日遠邁兮思予心戀所生兮淚不禁慈母沒兮誰與驕顧
自憐兮心忉忉訴蒼天兮天不聞淚如雨兮歎青雲欲棄
憂兮尋復來痛殷殷兮不可裁

稽喜

字公穆舉秀才歷揚州刺史○晉百官
名稽喜晉武帝太康三年爲徐州刺史

答稽康四首

一作答
弟叔夜

飾車駐駟駕言出遊南厲伊渚北登邱丘青林華茂青鳥
羣嬉感悟長懷能不永思永思伊何思齊大儀凌雲輕邁
託身靈罔遙集芝圃釋轡華池華木夜光沙棠離離俯漱
神泉仰嘒璫枝結心皓素終始不虧

二

華堂臨浚沼靈芝茂清泉仰瞻青禽翔俯察綠水濱逍遙
步蘭渚感物懷古人李叟寄周朝莊生遊漆園時至忽蟬
蛻變化無常端

三

君子體變通否泰非常理當流則義行時遊則鵲起達兼
鑒通塞盛衰爲表裏列仙徇生命松喬安足齒縱軀任世
度至人不私己

四

達人與物化世俗安可論都邑可優游何必棲山原孔父
策良駒不云世路難出處因時資潛躍無常端保心守道
居視變安能遷

郭遐周

贈稽康三首

吾無佐世才時俗不可量歸我北山阿逍遙以倡伴同氣
自相求虎嘯谷風涼惟予與稽生未百分好章古人美傾
蓋方此何不臧援筆執鳴琴携手遊空房棲遲衡門下何
願於姬姜予心好永年年永懷樂康我友不期卒改計適
他方巖東咸發日翻然將高翔離別在旦夕惆悵以增傷

二

風人重離別行道猶遲遲宋玉哀登山臨水送將歸伊此
往昔事言之以增悲嘆我與稽生倏忽將永違俯察淵魚
遊仰觀雙鳥飛厲翼太清中徘徊於丹池欽哉得其所令

我心獨違言別在斯頃怒焉如調饑

毛詩怒如調饑韓詩
調作朝訓云朝饑難

也忍

三

離別自古有人非比目魚君子不懷土豈更得安居四海
皆兄弟何患無彼姝巖穴隱傳說寒谷納白駒方各以類
聚物亦以羣殊所在有智賢何憂比不如所貴身名存功
烈在簡書歲時易過歷日月忽其除最哉乎稽生敬德在
慎軀

郭遐叔

拾遺作
郭遐卿

贈稽康五首

每念邁會惟日不足
昕往宵歸常苦其速
歡接無厭如川赴谷
如何忽爾將適他俗
言駕有日巾車命僕
思念君子溫其如玉
心之憂矣視丹如綠

二

如何忽爾超將遠遊
情以休惕惟思惟憂
展轉反側寤寐追求
馳情運想神往形留
心之憂矣增其勞愁

三

不見可欲使心不亂
譬彼造化抗無崖畔
封疆畫界事利

任難唯予與子鮮

一作籍

不同貫交之里情親欲面無算如何

忽爾時適他館明發不寐耿耿極旦心之憂矣增其憤怨

四

天地悠長人生若忽苟非知命安保旦夕思與君子窮年

卒歲優哉逍遙幸無隕越

叶俞切

如何君子超將遠邁

叶力切

我情願關我言願結心之憂矣良以怵怛

五

君子交有義不必常相從
天地有明理遠近無異同
三仁不齊迹貴在等賢
蹤衆鳥羣相追鷙鳥獨無雙
何必相响

濡江海自可容願各保遐心有緣復來東

阮德如陳留志名曰阮侃字德如尉氏人魏衛尉卿阮共之子有俊才而飭以名理風儀雅潤與嵇康

為友仕至河内太守

答嵇康二首

早發温身廬夕宿宣陽城顧盼懷惆悵言思我友生會遇
一何幸及子邁歡情交際雖未久思愛發中誠良玉須切
磋璵璠就其形隨珠豈不曜雕瑩啓光榮與子猶蘭石堅
芳互相成庶幾行古道伐檀俟河清不謂中離別飄飄然
遠征臨輿執手訣良誨一何精佳言盈我耳援帶以自銘

唐虞曠千載二代不可并洙泗久已往微言誰共聽曾參
易簣斃仲由結其纓晉楚安足慕屢空守以貞潛龍尚泥
蟠神龜隱其靈庶保吾子言養真以全生東野多所患暫
往不久停幸子無損思道遙以自寧

二

雙美不易居嘉會故難常爰處憇斯土與子邁蘭房常願
永遊集拊翼同迴翔不悟卒永離一別為異鄉四牡一何
速征人告路長顧步懷想像遊目屢太行撫軫增歎息念
子安能忘恬和為道基老氏惡強梁患至有身災榮子知

所康神龜實可樂明戒在剗腸新詩何篤穆申詠增慨抗
舒檢話良訊終然未厭藏還誓必不食復與同故房願丁
盪憂慮無以情自傷俟路忘所以聊以酬來章

魏詩紀卷之八

魏詩紀卷之九

北海馮惟訥編

阮籍

字嗣宗陳留尉氏人司空記室瑀之子容貌瓌傑

志氣宏放初辟太尉掾進散騎常侍大將軍司馬
昭欲為其子炎求婚籍乃醉六十日不得言而止後
引為從事中郎籍聞步兵厨多美酒遂求為步兵校
尉縱酒昏酣遺落世事又對人能為青白眼由是禮
法之士深所讐疾大將軍常保持之○詩品曰阮籍
詩其源出於小雅無雕蟲之功而詠懷之作可以陶
性靈發幽思言在耳目之內情寄八荒之表洋洋乎
會於風雅使人忘其鄙近自致遠大頗多感慨之
詞厥旨淵放歸趣難求顏延之注解怯言其志

詠懷詩三首

天地網緼元精代序清陽曜靈和風容與明日映天甘露

被宇翦鬱高松倚那長楚草虫哀鳴鶴鷓振羽感時興思
企首延佇於赫帝朝伊衡作輔才非允文器非經武適彼
沅湘託分漁父優哉游哉爰居爰處

二

月明星稀天高氣寒桂旗翠旌珮玉鳴鸞濯纓醴泉被服
蕙蘭思從二女適彼湘沅靈幽聽微一作遠誰觀玉顏灼灼
春華綠葉含丹日月逝矣惜爾華繁

三

清風肅肅脩夜漫漫嘯歌傷懷獨寐寤言臨觴拊膺對食
忘食世無萱草令我哀歎鳴鳥求友谷風刺愆重華登庸
帝命凱元鮑子傾蓋仲父佐桓回濱嗟虞敢不希顏志存
明規匪慕彈冠我心伊何其芳若蘭

詠懷八十二首

阮嗣宗集傳之既久頗存為闕世之較錄者往往肆為補綴作者之旨淆亂甚焉今以諸本參校其義稍優者為正文互異者分註於下其舊有闕文疑字而今本竄益者廓其滂俟再考正

夜中不能寐起坐彈鳴琴薄帷鑒明月清風吹我衿孤鴻
號外野翔鳥鳴北林徘徊將何見憂思獨傷心

二

二妃游江濱道遙順風翔交甫懷環珮婉孌有芬芳倚靡
情歡愛千載不相忘傾城迷下蔡容好結中腸感激生憂
思萱草樹蘭房膏沐為誰施其雨怨朝陽如何金石交一
旦更離傷

三

嘉樹下成蹊東園桃與李秋風吹飛藿零落從此始繁華
有憔悴堂上生荆杞驅馬舍之去去上西山趾一身不自
保何況戀妻子凝霜被野草歲暮亦云已

四

夫馬出西北由來從東道春秋非有託富貴焉常保清
彼臯蘭凝霜露野草朝為媚五臣作美少年夕暮成醜老自非
王子晉誰能常美好

五

平生少年時輕薄好絃歌西遊咸陽中趙李相經過娛樂
未終極白日忽蹉跎驅馬復來歸反顧望三河黃金百鎰
盡資用常苦多北臨太行道失路將如何

六

昔聞東陵瓜近在青門外連畝距阡陌子母相鈞帶五色

曜朝日嘉賓四面會膏火自煎熬多財爲患寧布衣可終
身寵祿豈足賴

七

炎暑惟茲夏三旬將欲移芳樹垂綠葉青雲自透迤四時
更代謝日月遍參差一作差馳徘徊空堂上忉怛莫我知願覩
卒歡好不見悲別離

八

灼灼西墮日餘光照我衣迴風吹四壁寒鳥相因依周周
尚啣羽蛩蛩亦念飢如何當路子磬折忘所歸豈爲夸譽
名憔悴使心悲寧與燕雀翔不隨黃鵠飛黃鵠遊四海中
路將安歸

九

步出上東門北望首陽岑下有采薇士上有嘉樹林良辰
在何許凝霜霑衣襟寒風振山崗玄雲起重陰鳴鴈飛南
征鷓鴣發哀音素質游商聲悽愴傷我心

十

北里多奇舞濮上有微音輕薄閑遊子俯仰乍浮沉捷徑
從狹路僂俛趨荒淫焉見王子喬乘雲翔鄧林獨有延年

術可以五臣慰我心

十一

湛湛長江水上
有楓樹林皋
蘭波徑路青
驪逝駸駸遠望
令人悲春氣感我心
三楚多秀士朝雲進
荒淫朱華振芬
芳高蔡相追尋一為
黃雀哀淚下誰能禁

十二

昔日繁華子安陵與龍陽
天天桃李花灼灼有輝光
悅懌若九春磬折似秋霜
流眄發姿媚言笑吐芬芳
携手等歡愛宿昔同衣裳
願為雙飛鳥比翼共翱翔
丹青著明誓永世不相忘

世不相忘

十三

登高臨四野北望青山阿
松柏翳岡岑飛鳥鳴相過
感慨懷辛酸怨毒常苦多
李公悲東門蘇子狹三河
求仁自得仁豈復歎咨嗟

十四

開秋兆涼氣蟋蟀鳴牀帷
感物懷殷憂悄悄令心悲
多言焉所告繁辭將訴誰
微風吹羅袂明月耀清輝
晨雞鳴高樹命駕起旋歸

十五

昔年十四五志尚好詩書被褐懷珠玉顏閔相與期開軒
臨四野登高望所思丘墓蔽山阿萬代集一作世同一時千秋
萬歲後榮名安所之乃悟羨門子噉噉令自嗤

十六

徘徊蓬池上還顧望大梁綠水揚洪波曠野莽茫茫走獸
交橫馳飛鳥相隨翔是時鶉火中日月正相望朔風厲嚴
寒陰氣下微霜羈旅無儔匹俛仰懷哀傷小人計其功君
子道其常豈惜終憔悴詠言著斯章

十七

獨坐空堂上誰可與歡者出門臨永路不見行車馬登高
望九州悠悠分曠野孤鳥西北飛離獸東南下日暮思親
友晤言用自寫

十八

懸車在西南羲和將欲傾流光耀四海忽忽至夕冥朝為
咸池暉濛汜受其榮集作知放窮達士一死不再生視彼
桃李花誰能久熒熒君子在何許嘆息集作曠世未合并瞻仰
景山松可以慰吾情

西方有佳人皎若白日光被服織羅衣左右珮雙璫修容
耀姿美順風振微芳登高眺所思舉袂當集作朝陽寄顏
雲霄間揮袖凌虛翔飄飄恍惚中流眄顧我傍悅慄未交
接晤言用感傷

二十

楊朱泣岐路墨子悲染絲揖讓長離別飄飄難與期豈徒
燕婉情存志誠有之蕭索人所悲禍累不可辭趙女媚中
山謙柔愈見欺嗟嗟塗上士何用自保持

二十一

於心懷寸陰羲陽將欲冥揮袂撫長劔仰觀浮雲征雲間
有玄鶴抗志揚哀聲一飛冲青天曠世不再鳴豈與鶉鷄
遊連翩戲中庭京師曹氏家藏阮步兵詩一卷康人所書
與世所傳多異其一篇云放心懷寸陰羲
和將欲冥揮袂撫長劔仰觀浮雲行雲間有立鵠抗首揚
哀聲一飛冲青天疆世不再鳴安與鶉鷄從翩翩戲中庭
孔宗翰亦有
本與此多同

二十二

夏后乘靈輿夸父為鄧林存亡從變化日月有浮沉鳳凰
鳴參差伶倫發其音王子好簫管世世相追尋誰言不可

見青鳥明我心

二十三

東南有射山汾水出其陽六龍服氣輿雲蓋切一作天網

仙者四五人逍遙晏蘭房寢息一純和呼喻成露霜沐浴

丹淵中照耀日月光豈安通集作靈臺游漾去高翔

二十四

殷憂令志結怵惕常若驚逍遙未終晏朱華忽西傾蟋蟀

在戶牖蟪蛄號中庭心腸未相好誰云亮我情願為雲間

鳥千里一哀鳴三芝延瀛洲遠遊可長生

二十五

拔劍臨白刃安能相中傷但畏工言子稱我三江旁飛泉

流玉山懸車栖扶桑日月徑千里素風發微霜勢外編路

有窮達咨嗟安可長

二十六

朝登洪坡顛日夕望西山荆棘被原野羣鳥飛翩翩鸞鷟

時集作特栖宿性命有自然建木誰能近射干復嬋娟不見

林中葛延蔓相勾連

二十七

周鄭天下交街術當三河妖治間都子煥耀何芬葩玄髮
發一作照朱顏睇眇有光華傾城思一顧遺視來相誇初學作過
願為三春遊朝陽忽蹉跎盛衰在須臾離別將如何

二十八

若花一作木耀四海一作西扶桑翳瀛洲日月經天塗明暗不

相讐集作窮達自有常得失又何求豈效路上童携手共

遨遊陰陽有變化誰云沉不浮朱鯨躍飛泉夜飛過吳洲

俛仰運天地再撫四海流繫累名利場駑駿同一軻豈若

遺耳目升遐去殷憂

二十九

昔余遊大梁登于黃華顛共工宅玄冥高臺造青天幽荒

邈悠悠悽愴懷所憐所憐者誰子明察自炤妍一作應自然應

龍沉冀州妖女不得眠肆侈一作陵世俗豈云永厥年

三十

驅車出門去意欲遠征行征行安所如背棄夸與名夸名

不在已但願適中情單帷蔽皎日高榭隔微聲讒邪使交

疏浮雲令晝冥嫵婉同衣裳一顧傾人城從容在一時繁

華不再榮晨朝奄復暮不見所歡形黃鳥東南飛寄言謝

友生

三十一

駕言發魏都南向望吹臺
簫管有遺音梁王安在哉
戰士食糟糠賢者處蒿萊
歌舞曲未終秦兵已復來
夾林非吾有朱宮生塵埃
軍敗華陽下身竟爲土灰

三十二

朝陽不再盛白日忽西幽
去此若俯仰如何似九秋
人生若塵露天道邈悠悠
齊景升丘山涕泗紛交流
孔聖臨長川惜逝忽若浮
去者余不及來者吾不留
願登太華山上

與松子遊漁父知世患乘流之輕舟

二十三

一日復一夕一夕復一朝
顏色改平常精神自損消
曾中懷湯火變化故相招
萬事無窮極一作理知謀苦不饒
但恐須臾間魂氣隨風飄
終身履薄冰誰知我心焦

三十四

一日復一朝一昏復一晨
容色改平常精神自飄淪
臨觴多哀楚思我故時人
對酒不能言悽愴懷酸辛
願耕東臯陽誰與守其真
愁苦在一時高行傷微身
曲直何所爲龍

蛇爲我隣

二十五

世務何繽紛人道苦不遑壯年以時逝朝露待太陽願攬
羲和轡白日不移光天階路殊絕雲漢邈無梁濯髮揚谷
濱遠遊崑岳傍登彼列仙岨採此秋蘭芳時路烏足爭太
極可翱翔

三十六

誰言萬事難逍遙可終生臨堂翳華樹悲彼心念無
息親友倏忽復至冥冥可言東飛鳥可思我情

三十七

嘉時在今辰零雨灑塵埃臨路望所思日夕復不來人情
有感慨蕩漾焉能排揮涕懷哀傷辛酸誰語哉

三十八

炎光延萬里洪川蕩湍瀨彎弓掛扶桑長劍倚天外泰山
成砥礪黃河爲常帶視彼莊周子榮枯何足賴捐身棄中
野烏鳶作患害豈若雄傑士功名從此大

三十九

壯士何慷慨志欲威八荒驅車遠行役受命念自忘良弓

挾烏號明甲有精光臨難不顧生身死魂飛揚豈爲全軀
士效命爭戰場忠爲百世榮義使令名彰垂聲謝後世氣
節故有常

四十

混元生兩儀四象運衡璣
日布炎精素月垂景輝
晷度有昭回哀哉人命微
飄若風塵逝忽若慶雲晞
修齡適余願光寵非已威
安期步天路松子與世違
焉得凌霄翼飄颻登雲湄
嗟哉尼父志何爲居九夷

四十一

天網彌四野六翮掩不舒
隨波紛綸客集作落汎汎若浮鳧
一作鳧生命無期度朝夕有不虞
列仙停脩齡養志在冲虛
飄颻雲日間邈與世路殊
榮名非已寶聲色焉足娛
採藥無旋返神仙志不符
逼此良可惑令我久躊躇

四十二

王業須良輔建功俟英雄
元凱康哉美多士頌聲隆
陰陽有舛錯日月不常融
天時有否泰人事多盈冲
園綺遯南岳伯陽隱西戎
保身念道真寵耀焉足崇
人誰不善始能尅厥終
休哉上世士萬載垂清風

四十三

鴻鵠相隨飛飛適荒裔雙翮臨長風須臾萬里逝朝餐
琅玕實夕宿丹山際抗身青雲中網羅孰能制豈與鄉曲
士携手共言誓

從藝文
定正

四十四

傳物終始殊脩短各異方琅玕生高山芝楚耀朱堂熒熒
桃李花成蹊將天傷焉敢希千術三春表微光自非凌風
樹樵悴鳥一作有常

四十五

幽蘭不可岷朱草為誰榮脩竹隱山陰射干臨增城葛藟
延幽谷綿綿瓜瓞生樂極消靈神哀深傷人情竟知憂無
益豈若歸太清

四十六

鸞鳩飛桑榆海鳥運天池豈不識宏大羽翼不相宜招搖
安可翔不若棲樹枝下集蓬艾間上游園圃籬但爾亦自
足用子為追隨

此首藝文類聚所載與今本不同而義意
近優觀李善文選註江文通擬詠懷詩所

引與藝文同亦一証
也今從藝文定正

四十七

生命辰在安憂戚涕沾襟高鳥翔山岡鷺雀棲下林青雲
蔽前庭素琴悽我心崇山有鳴鶴豈可相追尋

四十八

漢魏詩集合
前為一首

鳴鳩嬉庭樹焦明遊浮雲焉見孤翔鳥翩翩無匹羣死生
自然理消散何續紛

四十九

步遊三衢旁惆悵念所思豈為今朝見恍惚誠有之澤中
生喬松萬世未一作可期高鳥摩天飛凌雲共遊嬉豈有
孤行士垂涕悲故時

五十

清露為凝霜華草成蒿萊誰云君子賢明達集作安可能
乘雲招松喬呼噲永矣哉

五十一

丹心失恩澤重德喪所宜善言焉可長慈惠未易施不見
南飛鸞羽翼正差池高子怨新詩三問悼乖離何為混沌
氏倏忽體貌隳

五十二

十日出暘谷弭節馳萬里經天耀四海倏忽潛濛汜誰言

焮炎久遊沒何行俟逝者豈長生亦去荆與杞千歲猶崇

朝一餐聊自巳

一作百金子

是非得失間焉足相譏理計利知

術窮哀情透

一作能止

五十三

自然有成理生死道無常智巧萬端出大要不易方如何

夸毘子作色懷驕腸乘軒驅良馬憑几向膏梁被服織羅

衣深樹設閑房不見日夕華翩翩飛路傍

五十四

夸談快憤懣情

一作情

慵發煩心西北登不周東南望鄧林

曠野彌九州崇山抗高岑一餐度萬世千歲再浮沉誰云

玉石同淚下不可禁

五十五

人言願延年延年欲焉之黃鵠呼子安千秋未可期獨坐

山崑中惻愴懷所思王子一何好倚靡相携持悅懌猶今

辰計校在一時置此明朝事日夕將見欺

今本作潛見安能處山巖在

時置此明朝事日夕將見欺

五十六

貴賤在天命窮達自有時婉孌佞邪子隨利來相欺孤思

損惠施但爲讒夫
蜚鶴鳴雲中載飛
靡所期焉知傾側
士一旦不可持

五十七

驚風振四野迴雲
蔭堂隅牀帷爲誰
設几杖爲誰扶雖
非明君子豈聞桑
與榆世有此圍墮
茫茫將焉如翩翩
從風飛悠悠去故
居離麾王山下遺
棄毀與譽

五十八

危冠切浮雲長劍
出天外細故何足
慮高度跨一世非
子爲我御逍遙遊
荒裔顧謝西王母
吾將從此逝豈與
蓬戶

士彈琴誦言誓

五十九

河上有文人纒蕭
葉明珠其彼藜藿
食樂是蓬蒿虞豈
效紛紛子良馬騁
輕輿朝生衢路旁
夕瘞橫街隅歡笑
不終晏俛仰復欷
歔鑿茲二三者憤
滿從此舒

六十

儒者通六藝一作義立志不可干
違禮不爲動非法不肯言

渴飲清泉流饑食一作一簞歲時無
以祀衣服常苦寒

徒履詠南風緼袍
笑華軒信道守詩
書義我不受一餐
烈烈

褒貶辭老氏用長歎

六十一

少年學擊刺

集作劍

妙伎過曲城英風截雲霓超世發奇聲

揮劍臨沙漠飲馬九野垌旗幟何翩翩但聞金鼓鳴軍旅

令人悲烈烈有哀情念我平常時悔恨從此生

六十二

平晝整衣冠思見客與賓賓客者誰子倏忽若飛塵裳衣
佩雲氣言語究靈神須臾相背棄何時見斯人

六十三

多慮令志散寂寞使心憂

一作

澤撫劍登輕舟

但願長閑暇後歲復來遊

六十四

朝出上東門遥望首陽基松柏鬱森沉鸛黃相與嬉逍遙
九曲間徘徊欲何之念我平居時鬱然思妖姬

六十五

王子十五年遊衍伊洛濱朱顏茂春華辯慧懷清真焉見
浮丘公舉手謝時人輕蕩易恍惚飄飄棄其身飛飛鳴且
翔揮翼且酸辛

六十六

塞一作寒門不可出海水焉可浮朱明不相見奄昧獨無侯

持瓜思東陵黃雀誠獨羞失勢在須臾帶劍上吾丘悼彼
桑林子涕下自交流假乘汧渭間鞍馬去行遊

六十七

洪生資制度被服正有常尊卑設次序事物齊綱紀容飭
整顏色磬折執圭璋堂上置玄酒室中盛稻梁外厲貞素
談戶內滅芬芳放口從裏出復說道義方委曲周旋儀姿
態愁我腸

六十八

北臨乾昧谿西行遊少任遙顧望天津馳蕩樂我心綺靡
存亡門一遊不再尋儻遇晨風鳥飛駕出南一作東林泮泮

六十九

瑤光中忽忽肆荒淫休息晏清都超世又誰禁一作起坐復誰禁
人知結交易交友誠獨難險路多疑惑明珠未可干彼求
饗太牢我欲并一餐損益生怨毒咄咄復何言

七十

有悲則有情無悲亦無思集作無情亦無悲苟非嬰網罟何必萬

里幾翔風拂重霄慶雲招所晞灰心寄枯宅曷顧人間姿
集作得忘我難焉因嘿自遺

七十一

不槿榮丘墓煌煌有光色白日頽林中翩翩零路側蟋蟀
吟戶牖蟪蛄鳴荆棘蟬蛸玩二朝采采修羽翼衣裳爲誰
施俛仰自收拭生命幾何時慷慨多努力

七十二

脩塗馳軒車長川載輕舟性命豈自然勢路有所由高名
令志惑重利使心憂親昵懷反側骨肉還相讐更希毀珠

王可用登遨遊

七十三

橫術有奇士黃駿服其箱朝起瀛洲野日夕宿明光再撫
四海外羽翼自飛揚去置世上事豈足愁我腸一去長離
絕千歲復相望

七十四

倚歎上世士恬淡志安貧季葉道陵遲馳騫紛垢塵甯子
豈不類揚歌誰肯殉一作栖栖非我偶徨徨非已倫咄嗟
榮辱事去來味道真道真信可娛清潔存精神巢由抗高

節從此適河濱

七十五

梁東有芳草一朝再三榮
色容艷姿美光華耀傾城
豈為明哲士妖蠱諂媚生
輕薄在一時安知百世名
路端便娟子但恐日月傾
焉見冥靈木悠悠竟無形

七十六

秋駕

作稅駕者誤

安可學東野窮路旁
綸深魚淵潛矰設鳥高
翔汎汎東輕舟演漾靡所望
吹噓誰以益江湖相損忘都
治難為顏修容是我常
茲年在松喬恍惚誠未央

莊子逸篇尹儒

學御三年而無所得夜夢受秋駕明日往朝師師曰今將教子以秋駕司馬彪曰秋駕法駕也

七十七

咄嗟行至老僂俛常苦憂
臨川羨洪波同始異支流
百年何足言但苦怨與讐
讐怨者誰子耳自還相羞
聲色為胡越人情自逼道
招彼玄通士去來歸羨遊

七十八

昔有神仙士乃處射山阿
乘雲御飛龍噓噲噉音機小食也瓊華可聞不可見慷慨嘆咨嗟
自傷非疇類愁苦來相加下
學而上達勿忽將如何

林中有奇鳥自言是鳳凰清朝飲醴泉日夕栖山岡高鳴
徹九州延頸望八荒適逢商風起羽翼自摧藏一去崑崙
西何時復迴翔但恨處非位愴恨使心傷

八十

出門望佳人佳人豈在茲三山招松喬萬世誰與期存亡
一作有長短慷慨將焉知忽忽朝日隕行行將何之不見
季秋草摧折在今時

八十一

昔有神仙者美門及松喬喻習九陽間升遐嘒雲霄人生
樂長久百年自言遠白日隕隅谷一夕不再朝豈若遺世
物登明遂飄飄

八十二

墓前熒熒者木槿耀朱華榮好未終朝連颺隕其葩豈若
西山草琅玕與丹木垂影臨增城餘光照九阿寧微少年
子日久難容嗟

歌二首

見大人先生傳
拾遺作寄懷歌

采薪者歌

日沒不周西月出丹淵中陽精蔽不見陰光代為雄亭亭
在須臾厭厭將復隆離合雲霧兮往來如飄風富貴俯仰
間貧賤何必終留侯起亡虞威武赫蕞夷邵平封東陵一
旦為布衣枝葉托根柢死生同盛衰得志從命升失勢與
時隕寒暑代征邁變化更相推禍福無常主何憂身無歸
推茲由斯負薪又何哀

大人先生歌

天地解兮六合開星辰隕兮日月頽我騰而上將何懷

無名氏

雜歌諛辭

諺語附

徐州歌

晉書曰王祥隱居廬江三十餘年不應州郡之
命徐州刺史呂虔徵為別駕于時寇盜充斥祥
率勵兵士頻討破之州界清靜政化大行時人
歌之○按魏志呂虔文帝時遷徐州刺史請琅
琊王祥為別駕

海沂之康實賴王祥邦國不空別駕之功

滎陽令歌

殷氏世傳曰殷襄為滎陽令廣築學
館會集朋徒民知禮讓乃歌之云

滎陽公有異政修立學校人易性令我子弟耻鬪訟

樂府作訟

手

行者歌 選詩拾遺作魏時童
評歌云見五行志

王子年拾遺記曰文帝所愛美人薛靈芸常山人也年十五容貌絕世咸熙中文帝選良家子文以入六宮常山太守習谷以千余寶賂聘之以獻至京師帝以文車十乘迎之道側燒石葉之香未至數十里膏燭之光相續不滅車徒咽路塵起蔽於星月又築土為臺基高三十丈列燭於臺下遠望如列星之墜地又於大道之傍一里一銅表高五尺以誌里數故行者歌曰

青槐夾道多塵埃龍樓鳳閣望崔嵬清風細雨雜香來土

上出金火照臺 此七字是妖辭也銅表誌道是土上出金

德王魏土德王火伏而土興土上出金是魏滅而晉興之兆晉以金玉也

明帝景初中童謠

宋書五行志曰魏明帝景初中童謠及宣王平遼東歸至白屋當還鎮長安會帝篤疾急召之乃乘追鋒車東渡河終

阿公阿公駕馬車不意阿公東渡河阿公東 晉書作來還當奈

何

齊王嘉平中謠

宋書五行志曰魏齊王嘉平中謠按朱虎者楚王彪小字也王陵令狐愚間此謠謀立處事發等陵伏誅處賜死

白馬素羈西南馳其誰乘者朱虎騎

軍中謠

魏略曰太祖使盧洪趙達撫軍主刺舉軍中語曰

不畏曹公但畏盧洪曹公尚可趙達殺我

鴻臚歌

魏略曰韓宣字景然為大鴻臚始南陽曲阜韓暨以宿德在宣前為大鴻臚及宣在官亦稱職故鴻臚中為之語曰

大鴻臚小鴻臚前後治行相曷如

夏侯歌

魏書曰夏侯淵為將赴急疾常出敵不意故軍中語曰淵字妙才沛國譙人從魏太祖征伐封

博昌亭侯累官征西將軍

典軍校尉夏侯淵三日五百六十千

州中歌

魏略曰賈洪字叔業好學有材特精於春秋左傳與馮翊敬危材學最高故眾人為之語曰

州中曄曄賈叔業辨論洵洵敬文通

邢子昂歌

魏志曰邢顥太祖辟為冀州從事時人稱之

德仁堂堂邢子昂

魏詩紀卷之九

吳詩紀目錄

孫皓

爾汝歌

韋昭

吳鼓吹曲十二曲

炎精缺

攄武師

秋風

關背德

漢之季

伐烏林

克皖城

通荆門

章洪德

從歷數

承天命

玄化

薛瑩

獻詩

張純

賦席

賦犬

賦弩

無名氏

歌謠

王世容歌

彭子陽歌

黃龍中童謠

孫亮初童謠

孫亮初白鼉鳴童謠

孫皓初童謠

孫皓天紀中童謠

吳謠

時人語

廣陵諺

孫皓時詩妖

談藝錄

附

吳詩紀卷之一

北海馮惟訥編

孫皓字元宗一名彭祖大皇帝孫也景
帝崩皓嗣位為晉所滅封歸命侯

爾汝歌

世說新語曰晉武帝問孫皓聞南人好作爾汝
歌頗能為不皓正飲酒因舉觴勸帝曰一一帝

昔與汝為鄰今與汝為臣上汝一榼酒令汝壽萬春一作願汝

壽千
春

韋昭字弘嗣吳郡雲陽人本名昭史為晉諱改名曜少
好學能屬文仕孫吳官至中書僕射職省為侍中

常領左國史撰吳書皓欲父和作紀雖執以和不
登帝位宜名為傳皓以此責怒收曜付獄後誅之

吳鼓吹曲十二曲

焱精缺

古今樂錄曰焱精缺者言漢室衰孫堅奮迅
猛志念在匡救王迹始乎此也當漢末鷺

焱精缺漢道微皇綱弛政德違眾姦熾民罔依赫武烈越
龍飛陟天衢耀靈威鳴雷鼓抗電麾撫乾衡鎮地機厲虎
旅騁熊羆發神聽吐英奇張角破邊韓羈宛賴平南土綏
神武章渥澤施金聲震仁風馳顯高門啓皇基統罔極
將來

漢之季

漢之季者言孫堅悼漢之微痛董卓之
亂興兵奮擊功蓋海內也當漢思悲翁

漢之季董卓亂相相武烈應時運義兵興雲旗建厲六師
羅八陣飛鳴鏑接白刃輕騎發介士奮醜虜震使眾散劫
漢主遷西館雄豪怒元惡憤赫赫皇祖功名闢

攄武師

攄武師者言孫權卒父之
業而征伐也當漢末如張

攄武師斬黃祖攘一作夷凶族革平西夏炎炎大烈震天

下

伐烏林

伐烏林者言魏武既破荊州順流東下欲來爭鋒孫權命將周瑜逆擊之於烏林而破走也當漢上之回

曹操北伐拔柳城乘勝席捲遂南征劉氏不睦八郡震驚
衆既降操屠荆舟車十萬揚風聲議者狐疑慮無成賴我
大皇發聖明虎臣雄烈周與程破操烏林顯章功名

秋風

秋風者言孫權悅以使民民忘其死也當漢擁離

秋風揚沙塵寒露沾衣裳角弓持弦急鳩鳥化為鷹邊草

飛羽檄寇賊侵界疆跨馬披介冑慷慨懷悲傷辭親向長
路安知存與亡窮達固有分志士思立功思立功邀之戰
場身逸獲高賞身沒有遺封

克皖城

克皖城者言魏武志圖并兼而令朱光為盧江太守孫權親征光破之於皖城也當漢戰南

克滅皖城遏寇賊惡此凶孽阻姦慝王師赫征衆傾覆除
穢去暴戢兵革民得就農邊境息誅君弔民昭至德

關背德

關背德者言蜀將關羽背棄吳德心懷不軌孫權引師浮江而擒之也當漢巫山高

關背德作鳩張割我邑城圖不祥稱兵北伐圍樊襄陽嗟臂大於股將受其殃魏魏夫聖主睿德與玄通親任呂蒙泛舟洪汜池溯涉長江神武一何栢栢聲烈正與風翔歷撫江安城大據郢邦虜羽授首百蠻咸來同盛哉三比隆

通荆門

通荆門者言孫權與蜀交好齊盟中有关羽自朱之誓戎蠻樂亂生變作患蜀疑其眩吳惡其詐乃大治兵終復初好也當漢上陵

荆門限巫山高峻與雲連蠻夷阻其險歷世懷不賓漢王據蜀郡崇好結和親乖微中情疑讒夫亂其間大皇赫斯怒虎臣勇氣震蕩孫幽藪討不恭觀兵揚炎耀厲鋒整封疆整封疆闔揚威武容功赫戲洪烈炳章邈矣皇帝世聖吳同厥風荒裔望清化化恢弘煌煌大吳延祚永未央

章洪德

章洪德者言孫權章其大德而遠方來附也當漢將進酒

章洪德邁威神感殊風懷遠隣平南裔齊海濱越裳貢扶南臣珍貨充庭所見日新

從歷數

從歷數者言孫權從圖錄之符而建大號也當漢有所思

從歷數於穆我皇帝聖哲受之天神明表奇異建號創皇
基聰睿協研思德澤浸及昆蟲浩蕩赴前代三光顯精耀
陰陽稱主治肉角步郊吟鳳凰棲靈囿神龜游沼池圖識
摹文字黃龍覲鱗符祥日月記覽往以察今我皇多噲事
上欽昊天象下副萬姓意光被彌蒼生家戶蒙惠齊風教
肅以平一頌聲章嘉喜太吳興隆綽有餘裕

承天命

承天命者言上以聖德踐位道化至盛也當漢芳樹

承天命於昭聖德三精垂象符靈表德巨石立九穗植龍
金其鱗鳥赤其色輿人歌億夫嘆息超龍升襲帝服窮澤
懿體玄嘿夙興臨朝勞謙日昃易簡以崇仁放遠讒與
與賢才親近有德均田儔茂稼穡審法令定品式考功能
明黜陟人思自盡唯心與力家國治王道直思我帝皇壽
萬億長保大祿祚無極

玄化

玄化者言上脩文訓武則天而行仁澤流洽天下喜樂也當漢上邪

玄化象以天陛下聖真張皇綱率道以安民惠澤宣流而
雲布上下睦親君臣酣宴樂激發弦歌揚妙新修文壽廟
勝須時備駕巡洛津康哉泰四海歡欣越與三五鄰

薛瑩

字道言初為祕府中書郎孫休即位為散騎中常侍數年以病去官孫皓初為左執法遷選曹尚書

及立太子

又領少傅

獻詩

三國志曰建衡三年孫皓追嘆瑩父綜遺文且命瑩繼作瑩獻詩曰

惟臣之先昔仕于漢奕世綿絲頗涉臺觀暨臣父綜遭時
之難卯金失御邦家毀亂適茲樂土庶存子遺天啓其心

天南是歸厥初流隸困於蠻垂大皇開基恩德遠施特蒙
命拯擢泥汗釋放巾禍受職剖符作守合浦在海之隅
遷入京輦遂升機樞枯瘁更榮絕統復紀自微而顯非願
之始亦惟寵遇心存足止重值文皇建號東宮乃作少傅
光華益隆明明聖嗣至德謙崇禮遇兼加惟渥惟豐哀哀
先臣念竭其忠洪恩未報委是以終嗟臣蔑賤惟昆及弟
幸生幸育託綜遺體過庭既訓頑蔽難啓堂構弗克志存
耦耕豈悟聖朝仁澤流盈追錄先臣愍其無成是濟是拔
被以殊榮羽忝千里受命南征旌旗備物金革揚聲及臣

斯陋實闇實微既顯前執人物之機復傳東宮繼世荷輝
才不逮先是忝是違乾德博好文雅是貴追悼亡臣冀存
遺類如何愚胤曾無髮鬢瞻彼舊寵顧此頑虛孰能忍媿
臣實與居夙夜反側克心自論父子兄弟累世蒙恩死惟
結草生誓殺身雖則灰隕無報萬分

張純張儼朱異附

賦席

吳郡張純少有清才與同郡張儼朱異俱童少
往見驃騎將軍朱據據聞三人姓名欲試之曰
今三賢屈顧老鄙渴甚矣其為吾各賦一物然
後乃坐純曰腰褭以迅驟為工鷹隼以輕疾為

妙何必積思皆隨
目立成據大歡悅

席為久設簾為夏施揖讓而坐君子攸宜

賦大張儼

中則有威出則有獲韓盧宋鵲書名竹帛

賦弩朱異

南岳之幹鍾山之銅應機命中射隼高墉

無名氏

歌誄

王世容歌

吳錄曰王鐔字世容為武城令民服德化
宿惡奔迸父老歌之鐔藝文類聚作鐔

王世容政無雙省徭役盜賊空

彭子陽歌

吳錄曰彭循字子陽毗陵人建國二年海賊丁儀等萬人據吳太守秋君聞循勇以守令循與儀相見陳說利害應時散去民歌之曰

時歲倉卒賊縱橫大戟強弩不可當賴遇賢令彭子陽

黃龍中童謠

周處風土記云吳黃龍中童謠後孫權征公孫淵浮海乘船船白也

行白者君追汝句驪馬

孫亮初童謠

晉書五行志曰孫亮初童謠按楊子閣者反語石子岡也鈎絡鈎帶也及諸葛恪死果以蓆席裹身篋束其腰投之石岡後聽恪故吏叔堇求之此岡云

吁汝恪何若若蘆葦單衣篋鈎絡於何相求揚晉書子閣

孫亮初白鼉鳴童謠

晉書五行志曰吳孫亮初公安有白鼉鳴童謠按南郡城可長生者有急易以逃也明年諸葛恪敗弟融鎮公安亦見襲融刮金印龜服之而死鼉有鱗介甲兵之象也

白鼉鳴龜背平南郡城中可長生守死不去義無成

孫皓初童謠文選補遺作揚州歌

晉書五行志曰吳孫皓初童謠按皓尋遷都武昌民泝流供給咸怨毒焉

寧飲建鄴水不食武昌魚寧還建業死不止武昌居

孫皓天紀中童謠

晉書五行志曰吳孫皓天紀中童謠晉武帝聞之加王濬龍驤將軍及征吳江西衆軍無過者而王濬先定秣陵

阿童復阿童街刀游渡江不畏岸上虎但畏水中龍

吳謠

吳志口門瑜少精意於音樂唯三爵之後其有闕誤瑜必知之知之必顧故時人謠云

曲有一作復誤周郎顧

時人語

高僧傳曰孫權已制江左而佛教未行有支謙者本月支人來遊漢境傳覽經籍莫不精究遍學異書通六國語其為人細長黑瘦眼多白而睛黃時人為之語曰

支郎眼中黃形軀雖細是智囊

廣陵諺

張勃吳錄曰陸稠字伯羸為廣陵太守姦吏歛守廣陵諺曰

解結理煩我國陸君

孫皓時詩妖

孫皓遣使者祭石印山下妖祠使者因以丹書巖曰一結開之日從太皇帝至朕四世太平

之主非朕復誰恣虐踰
甚暴以隆下近詩妖也

楚九州渚吳九州都揚州士作天子四世治太平矣

詩云帝命天監之世
詩曰吳越曰越曰吳

高祖

吳郡中

卷之二

吳詩紀卷之二終



